

## **Årsmelding Allidrett – Barneidretten Ørsta IL for sesongen 2017/2018**

For nokre år sidan vart Allidretten endra til å gjelde barn som var 4, 5 og 6 år, der siste året var det året ein går i 1.klasse, i staden for 2.klasse som det var tidlegare.

Påmelding vart for denne sesongen gjort på eigne mailadresser til allidretten, noko som gjør det enklare å registrere påmeldingane systematisk. Elles blir facebook (både open ØIL Allidrett side og lukka grupper) brukt flittig som informasjonskanal.

### **4-åringane:**

Desse har øktene sine i gymsalen på Vikemarka skule. Denne sesongen har dei gruppene hatt faste instruktørar/trenarar, som har leia økta kvar gong. Ein av desse har aktivitetsleiarkurs, resten har kompetanse frå sin yrkeskvardag. Gruppa har bestått av 29 ungar, fordelt på 2 økter.

### **5-åringane:**

Det har vore 2 grupper med 5-åringar, totalt ca 45 stk. Dei har hatt 2 vaksne med det overordna ansvaret for kvar si gruppe, mens øktene har vorte fordelt mellom alle foreldra. Dei har også øktene i gymsalen på Vikemarka skule.

### **6-åringane:**

Dei har Ørstahallen måndagar kl. 17. Siste året på allidrett er noko annleis organisert, då dei er innom om lag alle idrettane Ørsta Idrettslag tilbyr. Det er då i utgangspunktet særvidrettane sitt ansvar med å stille med både trenarar og utstyr til den enkelte aktiviteten. Allidretten bidrar sjølv sagt med det ein har. Enkelte idrettar har vore veldig dyktige over tid til å stille med trenarar for Allidretten, mens andre har vore mindre flinke til å få dette til, av fleire ulike årsaker. Totalt har det i år vore med 38 barn på 6års gruppa.

Foreldra er på alle gruppene ein viktig bidragsytar for at aktivitetane skal finne stad, og det har vore lagt ned eit godt arbeid i forhold til retningslinjer og forventningar ein har til både foreldre og barn under øktene. Dette er noko ein også kan observera som svært positivt for alle under sjølve øktene.

Totalt i år har det vore med 112 barn i Allidretten.

### **Økonomi:**

Økonomien i gruppa er god, har vore kjøpt inn noko lite utstyr. Då nye idrettshallen opnar i 2018, så reknar ein med at Allidretten også vil ha behov for å kjøpe inn meir utstyr, ikkje minst fordi ein då har endeleg skikkeleg lagerplass. Pr i dag er utstyret oppbevart hjå fleire av dei som har hovudansvaret for dei enkelte gruppene. Vi gir ut informasjon til alle som er med ang betaling, men veit pr i dag ikkje kor mange som betaler medlemskap til ØIL merka Allidrett. Samtidig er også barneidretten gratis, slik at det er frivillig å betale.

### **Plan vidare for Allidretten:**

Vidare systematisere arbeidet i barneidretten, med godt samarbeid med alle særiddrettane i laget. Sikre idrettsglede og rørsleglede i det arbeidet som blir gjort, slik at alle barna får bruke Allidretten som ein arena til utforsking av sine eigne ferdigheiter. Muleg organisere felles treffpunkt for leiarar i Allidretten, for idèutveksling før sesongstart.